

Carta nachindahá Pablo nuTito

Cáhan Ndióxi Pablo xihin Tito

¹ Yehé cíúú u Pablo, dä cája chúun cuéntá Ndióxi ta cíúú u in apóstol cuéntá Jesucristo. Nachindahá Ndióxi yehé cäxi tuhun i tuhun vähä sahä mé á nuú ñayivi ñä ná candeé ini na mé á. Ta já ná candaä ini na ñä ndäqä sahä mé á jáchä nändicäxi a na. ² Ta ndáti tiähva na cuhun na coo na xihin mé á ändä ama cää quivä jáchä já násahen Ndióxi tuhun a nu yo tá cámäni cävä sahá sahä ñuyíví. Ta co cáhan Ndióxi ñä tuhun. ³ Ta viti naxinu coo quivä násacu ini Ndióxi jánahä nuú ñayivi ndä quiähva cuu candeé ini na mé á. Ta viti ndójo i chuun ñä násahnda Ndióxi nuú i ñä ná cäxi tuhun i tuhun vähä sahä Jesucristo nuú ñayivi, mé ä jácäcu mí. ⁴ Chindahá i tutu yóho nu mún, Tito, da cíúú tátuhun jahyi mí i jáchä in nuú candeé iní Jesucristo. Ta xíca tähví i nu Ndióxi, tátá yo xihín nuú Jesucristo, xitoho í, mé ä jácäcu mí ñä ná caja cuahá ñämäni xuhun ta ná caja ñä ná coo vähä inún.

Chuun nacaja Tito isla Creta

⁵ Najándicoo i yohó isla Creta jan ñä ná jáxinu coún chuun ñä najándicoo ñáhñu i jan. Ndítahan ndicäsún nä sacuähä nuú nä cíúú cuéntá Jesús in in ñuu tá quiähva nändicani i nuun cajún. ⁶ Ta mé dä sacuähä yóho ndítahan cacuu da ñayivi vähä, dä ä cíúú ñehé iní ñayivi jánani na sahá ñä caja da. Ta

ndítahan nu dá cacuu da da coó inga ñáha xihín ta in túhún ñájíhí da ndítahan coo. Ta ndítahan nuú jahyi da candeé ini na Ndióxi. Ta co ndítahan nuú jahyi da caja na ña nú joo ndítahan nu ná candúsa na caja na ña cachí náná tátá na já ná a cíu chícaqan ñayivi cuachi jata ná. ⁷ Jáchi ndá da cíu da sacuaha cája chúun da cuéntá Ndióxi saha ña cán quéa ndítahan cacuu da in ñayivi ndaq. Ta co ndítahan nu dá caja ichi ini da ta ni co ndítahan nu dá caja cama ini da xihín ñayivi. Ta ni ná a cícuu da da xíhí ta ni ná a cátóó da cani táhan da xihín ñayivi ta ni ná a cátóó da ñehe cuaha da jiuhún. ⁸ Ña ndítahan nu dá caja da quéa cajii ini da ndiquehe vaha da ñayivi vehe da ta ná caja da ña vaha cuití va ta ná cacuu da da ndísáhnu ini, da cañehe vaha quiahva. Ta ndítahan nu dá caja da ña ndaq cuití va ta ná candico cahnu da íchi cuéntá Ndióxi ta ná candaca vií da yíquí cuñu da ná a cája da cuachi. ⁹ Ta ndítahan nu dá cativi tuun da ña ndaq saha Jesucristo, ña nacatiahva da já quéa cuu chindeé da ñayivi xihín ña ndaq jánaha da nu na. Ta xihín mé tuhun vaha yóho cuu jáxínu da ini java ga ñayivi, na cahan nú saha tuhun Ndióxi.

¹⁰ Jáchi cuaha ñayivi co cúní na caja na ña cachí tuhun Ndióxi. Ta tañu na yóho ndúu cuaha na Israel. Coó saha toho tuhun cahan na ta xihín ña yóho jándahvi na ñayivi. ¹¹ Yuhú na yóho ndítahan chicají jáchi xíca na jáaca na jiní ñayivi ta janda tóco ndihi na ndúu vehe nacava na jiní ná xihín ña co cíu ña ndaq já ná ñehe cuaha na jiuhún jata ñayivi jándahvi ñahá na.

¹² Ta tañu na yóho nasahijin in profeta ta já nacachi da já saha ñayivi ñuu da, na ndúu isla

Creta cán: “Ná ndúu Creta cáhān ná ñā tūhún níí tiempo. Yucú ná ta ndehé ná ta júsá ndivāha na caja chúun na”, nacachi da. ¹³ Ta ñā ndaqá cúú ñā nacahān dā cán sahā ná. Ñā cán quéa ndítahan nuún jánāni vahún ná ñā ná candeé cahnu ini na Jesús ¹⁴ ta ná a ták jōho na cuéntó ñā ndícani ñayivi Israel nū ná jáchí ñā quirí jini mé va na queá. Ta ná a ták jōho na nū cahān ñayivi, ná nacaxoo nuú ñā ndaa.

¹⁵ Ta tá ndácaqan vií xíní túni ñayivi já quéa tóco ndihí ñāha cíú á ñāha vií nū ná. Joo tá co cándusa ñayivi Ndióxi ta ndácaqan ñā nū xíní túni ná já quéa tóco ndihí ñāha cíú á ñā nū ná jáchí co íin vií ínimá ná xihín xíní túni ná. ¹⁶ Vatí cachí ná yóho ñā candeé ini na Ndióxi joo xihín ñā nū caja na náha ñā mé a ndaqá co candeé ini na mé á. Sáá ndivāha ini na ta a xeén toho na caja na ñā ndaqá sahá ñā cán quéa ni in ñāha vaha a cūú caja na.

2

Ndítahan jánāha yo tūhun vāha sahá Jesús nuú ñayivi

¹ Ta ndítahan nū mún, Tito jánāhún ñayivi ndaja caja na ñā ndaqá, ñā cachí tūhun Ndióxi caja na. ² Jánāhún ná sacuqhā ñā ndítahan cacuu na ñayivi ndisáhnu ini, ná íin toní ñúhú ñayivi xihín, ná ñéhe vāha quiāhva xihín ñāha. Ta ndítahan candeé vāha ini na Ndióxi ta ndítahan quīhví ini na ñayivi ta ndítahan coo ndacú ini na já ná cuu candeé ini na tá ná ndoho ini na. ³ Ta quiāhva já ndítahan coo toní ñúhú najihí sacuqhā xihín ñayivi. Ta co ndítahan cacuu na najihí tūhún ta ni ná a cācuu

na ná xíhí. Jáchí ndítahan nu ná cacuu na ná íin toní ñúhú ñayivi xihín sahá ña vaha cája na. ⁴ Ta ndítahan jánahá ná najihí yúta ña ná quihví ini na yíi ná xihín jáhyi na. ⁵ Ta ndítahan cahnu ná mé ná ta ndítahan cacuu na ñayivi vií ta ná canda vaha na vehe na ta ná caja na ña vaha cuití va. Ta ndítahan candúsa na caja na ña sáhndá yíi ná nu ná. Tá cája na tóco ndihi ña yóho já quéa a ñéhé íní ñayivi cahen núu na sahá tuhun Ndióxi.

⁶ Ta quiahva já ndítahan jácahún dä tacú ná coo ndisáhnu ini da. ⁷ Xihín ña cajún jánahún nu ná ndaja caja na ña vaha. Ta xíní ñúhú jánahá ndísáhnu ña yóho nu ná ta ná cajún ña xihín ndinuhu inún. ⁸ Ta ná cahún ña vaha cuití va já quéa a cíu chickaqan ñayivi cuachi jatun. Ta xihín ña yóho cacahan nuu ná co cúní yohó jáchí a cíu cahen ihvi ná sahá ndihi ndó, ná cíu cuénta Jesús.

⁹ Ta jácahún ndá ná cája chúun xihín xitoho na ña ná caja na tóco ndihi ña sáhndá xitoho na nu ná jáchí xíní ñúhú coo toní ñúhú ná xihín ná ta ná a ndúcú ñehe ichí ná tuhun nuu xitoho na. ¹⁰ Ta ná a cája cuihná ná nu ná joo ná cacuu na ndinuhu ñayivi ndaa. Ta xihín ña yóho náhá ndá quiahva ndató ndivaha cíu tuhun Ndióxi, ña cahen sahá mé á jácacu a mí.

¹¹ Najánahá Ndióxi mí ña cúní a caja cuahá ñamani xihín ñayivi ta íin tiáhva mé á jácacu a tóco ndihi ñayivi. ¹² Ta jánahá mé á nu yo ña ndítahan jándicoo í tóco ndihi ña nuu, ña xíca iní caja í ñuyíví yóho. Jáchí ndítahan nu yo cahnu í mí ta ná caja í ña ndaa cuití va ta ná candico cahnu í ichí cuénta Ndióxi. ¹³ Ta cájii iní nani ndáti tiáhva í xinu coo quiví ndicó coo tucu Jesucristo xihín ndéé á. Ta

cúú á Ndióxi cahnu ta jácacu a mí. ¹⁴ Nandiquiahva Jesucristo mé á quivi a sahá ndihí jáchí cúní a jácacu a mí ná a cája gä yo ñä núa. Ta cúní a jándoo a tóco ndihí cuachí já ná nduú ñayivi cuéntá mé á ñä ná ndihí iní caja í ñä vaha.

¹⁵ Ndítahan jánaghún tóco ndihí ñä yóho nuú ñayivi ta jácaghún nä ñä ná caja na ñä nacahyí i yóho. Ta ndítahan nü mún jánagnún ñayivi cája cuachi jáchí ín sahun cahndún chuun nü ná. Coto a quiáhvún ñamäñi nüú ñayivi quehe núa na yohó.

3

Ñä ndítahan caja ná cúú cuéntá Jesús

¹ Xíní ñúhú jándicuhun inún ná cúú cuéntá Jesús ñä ná coo joho na nü sahndá ná jutixia nü ná. Ta ná coo tiähva na caja na ndá ñä nacuu nani cúú á ñä vaha. ² Ta xíní ñúhú cahún xihin ná ñä ná a cáhan núa na sahá inga ñayivi ta ná a cáni táhan na xihin inga na joo vií caja na xihin ná. Ta ná a ndíñehé jícó ná mé ná nüú ndihí ñayivi.

³ Jáchí ndítahan ndícuuhun iní ñä tá cámäñi ndihví íchí cuéntá Jesús já nacaja í cuahá nüú cuachi. Quíhví násacaja í ta coó nacaja í ñä cúní Ndióxi. Nacandusa í ñä tuhún, ñä nacachi ná jándahvi mí. Ta násacaja í tá nüú ñä núa jáchí nändiavä iní yo caja í ñä ta mé cuachi násahnda chuun nü yo. Tóco ndihí quivi násacaja í ñä núa ta násacuú ñayivi ihví ini. Násandají ñayivi mí ta ndaja mí násandají táhan í viti. ⁴ Anda jáví Ndióxi, mé a jácacu mí najánahä nü yo ñä táhví ini a sahá yo ta quíhví ini a mí. ⁵ Sahá ñä cán quéa najácacu a mí. Ta coó nacaja ñä sahá ñä vaha nacaja í. Joo najácacu a mí jáchí

táhndä ini a sahä yo. Najándoo a cuachí ta xihín ñä yóho nacaaja ínimä yii Ndióxi ñä nanduú ñayivi saá, na xíca ichí saá viti. ⁶ Naxihi Jesucristo sahä yo ñä ná jácäcu a mí ta xihín ñä yóho natchutú ndäqá ínimä yo xihín ínimä yii mé á. ⁷ Nacaaja Ndióxi ñamani uun xihín yo ñä ná canduu ndäqá yó nu mé á sahá ñä cán quéä ndáti tiähva í cuhun yo coo í xihín mé á qandä ama cáá quívì.

⁸ Ta tócó ndihi ñä cáhyí i yóho cúú á ñä ndäa. Sahá ñä cán quéä cúní ñä ná ndinuhu inún jánahún ñä yóho nuú ñayivi, na cúú cuéntá Jesús ñä ná ndihi ini na caja na ñä vaha. Jáchì ñä nacahyí i yóho cúú á ñä vaha ta cuu chindeé a tócó ndihi ñayivi. ⁹ Joo coto a quíhvi nuún ndituhún xihín ñayivi cáhan tuhun quíhví, ñä ndícani sahá chichi tásahnu jíco yo. Ta a ndíhvi ndó cani táhan yúhü ndó xihín ná sahá ley Moisés jáchì coó sahá toho ñä yóho ta mé a uun va quéä cani táhan ndó xihín ná.

¹⁰ Tá íin in na cúú cuéntá Jesús ta tá cúní na cani táhan na xihín java ga na cúú cuéntá Jesús, xíní ñuhú jánanún na ñä ná a cája ga na ñä yóho. In á ivi tañu cuití va cahún xihín na ta tá co cúní na cuni joho na ñä cahún xihín ná já quéä tavún na ñä ná cuhun na. ¹¹ Jáchì sa xíní vahún ñä nandeta nuu ñä núu xíní tuní ná ta sa xíní vaha na ñä cája na cuachi.

Sáhndá Pablo chuun nu Tito

¹² Tá ná chindahá i Artemas á Tíquico nuun já quéä ndihi inún cuhun ñuu Nicópolis jáchì cán cája i cuéntá coo i tiempo víxi. ¹³ Xíní ñuhú ndinducún ndaja cuu chindeún Apolos xihín Zenas, mé da tiähva ley. Quiahvún ñäha nu ná já ná a ndímaní ñäha tá ná quee na cuhun na viaje na. ¹⁴ Ta

ndítahan nuñ ndihi nañ cúú cuéntá Jesús jácuaha na ndaja caja naña vaha xihín java ga ñayivi. Ta ndítahan nuñ ná chindeé nañ ndá ñayivi nacuu na ndímañi ñaha nuñ. Tá ná caja naña yóho já quéa a cóo uun va na ñuyíví yóho.

Ndíndayí Pablo Tito

15 Tócó ndihi nañ ndúu xihín i chíndahá nañ Ndióxi coún ta chíndahá nde Ndióxi coo ndihi nañ cúú cuéntá Jesús cán jáchí xíni vaha iña quíhvi iní na ndehé sañhá nañ cández iní Jesús. Ná caja Ndióxi cuñhá nañamañi xihín ndihi ndó. Já ná coo.

**Tuhun saá ña najándacoo Jesucristo nu yo: El
Nuevo Testamento en el mixteco de
Silacayoapan
New Testament in Mixtec, Silacayoapan
(MX:mks:Mixtec, Silacayoapan)**

copyright © 2009 Wycliffe Bible Translators, Inc.

Language: Mixtec, Silacayoapan

Translation by: Wycliffe Bible Translators, Inc.

Mixtec, Silacayoapan

mks

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Silacayoapan

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

7f2d3ecf-6d15-55a5-9081-6e970474df2f